

Asocijacija BiH 2005 i nakon ženevske konferencije nastavlja rad

# Podrška snagama koje su spremne provoditi reforme

BiH 21. oktobra ušla u tzv. briselsku eru • Asocijacija prerasta u istraživački institut koji će se baviti predlaganjem političkih rješenja

Konferencija Bosna i Hercegovina - deset godina od Dejtona i dalje, održana 20. i 21. oktobra u Ženevi, uspjela je analizirati poslijeratni oporavak BiH, sagledati trenutnu situaciju i polučiti prijedloge za razvoj zemlje na njenom putu ka evropskoj budućnosti.

Održavanje konferencije poklopilo se sa preporukom Vijeća ministara EU o započinjanju pregovora o Sporazumu o stabilizaciji i pridruživanju. U tom smislu je 21. oktobar, kako je u petak rečeno na pres-konferenciji organizatora Asocijacije BiH 2005, označen "krajem dejtonske ere



Foto: A. KAJMOVIĆ

Uskoro analiza tranzicije OHR konkretnim akcijama”.

“Glavni pritisak na političare više neće vršiti međunarodni faktori nego građani ove zemlje”, kazao je Solioz.

Predsjednik Asocijacije **Jakob Finci** podsjetio je na jedan od zaključaka konferencije koji kaže da “bez preuzimanja odgovornosti za budućnost od strane svih Bosanaca i Hercegovaca neće biti odgovorne države”. Prema njegovim riječima, najveću pažnju oko 400 učesnika ženevske konferencije privukle su rasprave o ustavnim rješenjima i samoodrživosti BiH. Dokaz da je BiH, deset godina nakon potpisivanja Dejtonskog sporazuma, postala zemlja u kojoj je veoma mala opasnost od izbijanja novog sukoba je i uspjeh panela o ekonomiji. Rasprava je polučila zaključak kako se ova oblast mora osloboditi političkog uticaja i postati pokretač razvoja jedne nove Bosne.

“Za razliku od dejtonske BiH koja je bila preokupirana političkim pitanjima, BiH nakon Dejtona se mora fokusirati na ekonomsku strategiju i za to angažirati sopstvene ekonomske stručnjake”, zaključeno je na konferenciji.

Solioz je podvukao važnost zaključka o rješavanju problema BiH

kroz regionalnu perspektivu, posebno se osvrćući na situaciju u Hrvatskoj i SCG. Naglašeno je da će suočavanje sa nizom praktičnih problema, poput borbe protiv organiziranog kriminala ili problemom pravde i pomirenja, biti uspješnije ukoliko se stavi u regionalni okvir.

## Preporuke

Asocijacija BiH 2005 će nastaviti da djeluje kroz pružanje podrške ne političkim strankama nego savjetovanjem snaga koje su spremne na reforme.

“Ona više neće djelovati kao neobavezan forum koji je poticao debatu o svim aktuelnim problemima u BiH, nego će nastojati da se profilira u istraživački institut koji će analizirati situaciju i davati prijedloge rješenja koja će dostavljati svim relevantnim domaćim i svjetskim donosiocima odluka”, kazao je politički analitičar Asocijacije BiH 2005 **Senad Slatina**.

Kao prvu narednu akciju najavio je sveobuhvatnu analizu tranzicije Ureda visokog predstavnika u BiH u Ured specijalnog predstavnika EU u BiH.

## Konkretna rješenja

Asocijacija će 18. novembra u Beču, povodom austrijskog preuzimanja predsjedavanja EU, prezentirati svoj rad i predložiti konkretna rješenja za BiH. Planirano je da to bude učinjeno u svakoj zemlji koja bude preuzimala predsjedavanje EU.

implementacije mira i početkom briselske ere u kojoj osnovni motiv za reformu više neće biti implementacija mira koju vode nametljivi međunarodni faktori, već privlačnost članstva u EU”.

## Odgovornost vlasti

“Karakteristika tzv. briselske ere je što će političari i građani ove zemlje imati daleko više odgovornosti u provođenju reformi”, kazao je izvršni direktor Asocijacije BiH 2005 **Kristof Solioz**. Bh. političari će, dodao je, u narednom periodu morati da preuzmu odgovornost u vođenju zemlje “ne samo verbalno, nego i

## TVORAC DEJTONSKOG MIROVNOG SPORAZUMA

# Greška je što postoji Narodna skupština RS

"BiH je jedna zemlja sa jedinstvenom valutom, jedinstvenim pasošem, jednim ambasadorom u Vašingtonu. A to je bilo nezamislivo prije deset godina. Ime Republika Srpska implicira postojanje zasebne države. To ime je bilo greška; ne bi trebalo dopustiti da se tako nastavi. Ne bi im trebalo dozvoliti da imaju Narodnu skupštinu jer već imaju Skupštinu. I to je bila greška koju bi trebalo ispraviti", dodao je on.

Holbruk je rekao da će nezavisnost Kosova biti odložena na duge staze ukoliko Albanci Srbima ne daju neopozive garancije.

"Albanci moraju da shvate da sa Srbima moraju da dijele i da žive u miru. Ne mogu da ih otjeraju", dodao je. Holbruk je kazao da na Balkanu nastaju problemi čim se SAD odmaknu od ovog područja.

"Stoga SAD moraju da ostanu angažovane u regionu zbog obostrane koristi. Mnogi Amerikanci i Evropljani ne shvataju naizgled gvozdeno pravilo istorije tokom proteklih 90 godina: kad se na Balkanu nešto dogodi, SAD se angažuju; a kada to ne urade, situacija postane vrlo opasna", smatra on.


Istakao je da su SAD zaustavile rat u BiH, a da to nisu učinili ranije jer su Evropljani tvrdili da to mogu sami da riješe, a nisu mogli.

"Bosna je predstavljala uspjeh, mi smo ostvarili ciljeve. Nije to bio savršen mir, ali ta zemlja opstaje u miru i rat se neće obnoviti. Kosovo je drugačije. Albanci i Srbi se međusobno tako duboko mrze da postoji vrlo realna opasnost da nasilje ponovo izbije ukoliko se situacija ne riješi. Zato je potrebno postojano angažovanje Amerike i to je vrlo, vrlo važno i potrebno", zaključio je on. (VOA)

FOTO ARHIVA



Holbruk



**Ne bi Srbima u RS trebalo dozvoliti da imaju Narodnu skupštinu jer već imaju Skupštinu. I to je bila greška koju bi trebalo ispraviti, rekao Holbruk**



FOTO NN

**Cilj "Asocijacije" je da se koncentrišemo na konkretna pitanja i ponudimo rješenja, kao što se već desilo u Ženevi. U Beču ćemo 18. novembra održati konferenciju zato što Austrija pružima predsjedavanje EU, rekao Solioz**

"Asocijacija BiH 2005" nastaviće s radom kao istraživački institut

**U "Asocijaciji BiH 2005" zadovoljni rezultatima konferencije u Ženevi**

# GRAĐANIMA GLAVNA ULOGA U PROCESU ULASKA U EU

N. KRSMAN

SARAJEVO - Bosna i Hercegovina nakon deset godina prelazi iz dejtonske u briselsku eru, što znači da će u procesu ulaska u EU glavnu ulogu imati bh. građani i njihovi politički predstavnici, a ne međunarodna zajednica.

Ovo su juče istakli predstavnici "Asocijacije BiH 2005", analizirajući rezultate međunarodne konferencije "BiH deset godina od Dejtona i poslije", održanoj u Ženevi 20. i 21. oktobra ove godine.

"Na ovoj konferenciji, na plenarnim sjednicama i radionicama, više se govorilo o razvoju ekonomije, a manje o stepenu bezbjednosti u BiH, jer je sasvim jasno da

bezbjednost više nije problem", kazao je Jakob Finci, predsjednik ove asocijacije.

Kristof Solioz, izvršni direktor "Asocijacije BiH 2005", kazao je da je došlo vrijeme da BiH preuzme više odgovornosti za svoju budućnost.

"Cilj 'Asocijacije' u budućem radu je da se odmaknemo od čisto intelektualne rasprave, te da se skoncentrišemo na konkretna pitanja i ponudimo rješenja, kao što se već desilo u Ženevi. To će se nastaviti već 18. novembra u Beču, gdje ćemo održati konferenciju. Za Beč smo se odlučili zato što Austrija pružima predsjedavanje Evropskom unijom", rekao je Solioz.

On je izrazio zadovoljstvo što je Kristijan Švarc Ši-

ling jedan od kandidata za budućeg visokog predstavnika u BiH i kazao da će jedan od segmenta rada "Asocijacije" biti i tranzicija institucije visokog predstavnika međunarodne zajednice u specijalnog predstavnika EU.

Senad Slatina, politički analitičar i član "Asocijacije BiH 2005", kazao je da će se u budućem osim održavanja konferencija i skupova ova asocijacija baviti analizama kao istraživački institut.

Istaknuto je da je jedan od zaključaka konfrenecije u Ženevi bio da se u fazi tranzicije ka briselskoj BiH mora stvarati država koja svoje građane stavlja na prvo mjesto umjesto političara. Naglašeno je i da posebna pažnja mora biti posvećena mladima, obrazovanju i pravdi.

## Slobodan Nagradić Najteže postići dogovor o Savjetu ministara

BANJA LUKA - Član PDP-a Slobodan Nagradić rekao je juče da će u pregovorima o ustavnim promjenama u BiH biti najteže postići dogovor o budućem nazivu Savjeta ministara BiH i njegovim ovlaštenjima.

"PDP smatra da naziv i ovlaštenja Savjeta ministara ne treba da se mijenjaju, a čelni čovjek Savjeta trebalo bi i dalje da ima funkciju predsjedavajućeg", istakao je Nagradić, koji je učestvovao u dosadašnjim razgovorima o ustavnim promjenama u BiH ispred PDP-a.

On je dodao da većina partija iz Federacije BiH ne smatra tako.

Nagradić je rekao da je završena prva faza razgovora o ustavnim promjenama u kojima su učestvovali "niži" predstavnici osam političkih partija iz BiH, a kojima je domaćin bio Američki institut za mir.

"Druga faza razgovora biće održana od 11. do 14. novembra ove godine u Briselu na 'višem' nivou i uz učešće lidera ovih partija", rekao je Nagradić i istakao da će ukoliko tada ne bude postignut konačan dogovor o svim pitanjima razgovori biti nastavljeni".

On je ponovio stav PDP-a prema kojem treba ostati tročlano Predsjedništvo BiH, ali da se oni mogu birati na posredan način, odnosno iz redova poslanika u parlamentu BiH. (Srna)

## Milanko Mihajlica Zabrinut razgovorima o promjeni Ustava

BANJA LUKA - Predsjednik Srpske radikalne stranke RS (SRS RS) Milanko Mihajlica smatra da je krajnje neprihvatljiv način na koji pojedine političke stranke iz RS učestvuju u razgovorima o promjenama Ustava BiH.

"Za SRS je veoma opasna i neprihvatljiva ideja da se ukine Predsjedništvo BiH, formira institucija predsjednika BiH i da Savjet ministara BiH preraste u vladu BiH", izjavio je Mihajlica.

Njeva posebno zabrinjava način na koji se vode ti razgovori, daleko od očiju javnosti, pogotovo u organizaciji nekih nevladinih organizacija iz SAD, za koje je više nego jasno, tvrdi, da su nenaklonjene RS u ovom procesu. (Srna)



Kubura: Ispunjavao obaveze



Hadžihasanović: Čeka presudu

## Raspravno vijeće Haškog tribunala odlučilo Kubura i Hadžihasanović na slobodi do izricanja presude

Obojica će sa svojim porodicama biti „do daljnjeg“ jer još nije utvrđen datum izricanja presude

Raspravno vijeće Haškog tribunala odlučilo je Amira Kuburu i Envera Hadžihasanovića pustiti na privremenu slobodu do daljnjeg, saznaje „Dnevni avaz“.

Naime, izricanje presude ovoj dvojici oficira Armije BiH još nije precizirano te se ne može znati do kada će Kubura i Hadžihasanović biti sa svojim porodicama, odnosno kada će se morati vratiti u pri-

tvorsku jedinicu Ševeningen.

Inače, na privremenu slobodu su pušteni jer su „do kraja ispoštovali sve obaveze prilikom ranijih dopusta“. Iz tog razloga, Raspravno vijeće nije imalo nikakvih ozbiljnih zapreka da i Kuburu i Hadžihasanovića pu- sti na privremenu slobodu do određivanja termina za izricanje presude. **H. O.**

## Foča Bomba pod „golfom“ direktora KPZ-a Perišić ne vjeruje da je eksplozija u vezi sa klanjanjem bajram-namaza

Nepoznata osoba preksinoć oko 23.50 sati u Svetosavskoj ulici u Foči postavila je i aktivirala eksplozivnu napravu pod parkirani „golf“ Nikole Perišića, upravnika Kaznenopopravnog zavoda Foča.

Na automobilu je pričinjena materijalna šteta. Izvršen je uviđaj i u toku je operativni rad na ovom slučaju.

- Zaista ne želim prejudicirati tok istrage. Na cijelom slučaju radi CSB Istočno Sarajevo i očekujem da počinitelj bude otkriven - izjavio je Perišić za „Dnevni avaz“.

U momentu eksplozije Perišić se sa porodicom nalazio u svom stanu u Donjem Polju. Kaže da ih je napad uplašio, te da „samo lud čovjek može reći da nije bilo straha“.

- Tačno je da se ova eksplozija poklapa sa klanjanjem prvog bajram-namaza u KPZ, ali ja mislim da to nema veze s tim. Objekat



Zatvor u Foči: Mekteb postoji već pet mjeseci

mekteba napravio sam prije pet mjeseci i on je funkcionisao i do sada. Nastojimo da se maksimalno poštuju prava svakog čovjeka i mislim da protiv toga niko ne bi trebao imati ništa. Jednostavno, sama dužnost koju obavljam, specifičan posao upravnika KPZ-a, sa sobom nosi i određenu opasnost - ističe Perišić. **Al. B.**

## Finci o konferenciji u Ženevi Reforme koje nam se predlažu nisu potrebne Evropi nego BiH

Međunarodna konferencija „BiH - deset godina od Dejtona i dalje“, koja je održana 20. i 21. oktobra u Ženevi, označila je svojevrstnu prekretnicu od „dejtonske ere“ implementacije mira ka početku „briselke ere“, istakli su jučer na konferenciji za novinare u Sarajevu predstavnici Asocijacije BiH 2005.

Dejtonska BiH kakvu smo imali proteklih deset godina, prema riječima predsjednika te aso-



Finci: Početak „briselke ere“

cijacije Jakoba Fincija, bila je država na labavim nogama koju je međunarodna zajednica sa dvije ruke vodila prema Evropi.

- Mislim da smo svi shvatili da reforme koje nam je Evropa preporučivala nisu potrebne Evropi nego su potrebne BiH i da ćemo njihovim izvršavanjem sazrijeti da

postanemo ravnopravan član evropske zajednice država - istaknuo je Finci.